

# საქართველოს კანონი

საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ

**მუხლი 1.** საქართველოს ადმინისტრაციულ სამართალდარღვევათა კოდექსში (საქართველოს სსრ უმაღლესი საბჭოს უწყებები, №12, 1984 წელი, მუხ. 421) შეტანილ იქნეს შემდეგი ცვლილება:

1. კოდექსს დაემატოს შემდეგი შინაარსის 135<sup>5</sup> მუხლი:

„**მუხლი 135<sup>5</sup>.** საქართველოს დედაქალაქის ადმინისტრაციულ საზღვრებში მდებარე კულტურული მემკვიდრეობის ობიექტების დათვალიერების მიზნით ტურისტული საქმიანობის განხორციელება დედაქალაქის თვითმმართველობის წარმომადგენლობითი ორგანოს მიერ დამტკიცებული მარშრუტის დარღვევით ან სპეციალური რეგულარული გადაყვანის განხორციელება დედაქალაქის თვითმმართველობის წარმომადგენლობითი ორგანოს მიერ დამტკიცებული მარშრუტის დარღვევით

1. საქართველოს დედაქალაქის ადმინისტრაციულ საზღვრებში მდებარე კულტურული მემკვიდრეობის ობიექტების დათვალიერების მიზნით ტურისტული საქმიანობის განმახორციელებელი ფიზიკური ან იურიდიული პირის მფლობელობაში არსებული ავტობუსის ( $M_2$  ან  $M_3$  კატეგორიის) ან იმავე საქმიანობის განმახორციელებელი ნებისმიერი სხვა სატრანსპორტო საშუალების საქართველოს დედაქალაქის ტერიტორიაზე მოძრაობა დედაქალაქის თვითმმართველობის წარმომადგენლობითი ორგანოს მიერ დამტკიცებული მარშრუტის დარღვევით –

გამოიწვევს დაჯარიმებას 100 ლარის ოდენობით.

2. სპეციალური რეგულარული გადაყვანის (საქართველოს დედაქალაქის ადმინისტრაციულ საზღვრებში დასაქმებული პირების, მოსწავლეების, სტუდენტების რეგულარული გადაყვანის) განმახორციელებელი ფიზიკური ან იურიდიული პირის მფლობელობაში არსებული ავტობუსის ( $M_2$  ან  $M_3$  კატეგორიის) საქართველოს დედაქალაქის ტერიტორიაზე მოძრაობა დედაქალაქის თვითმმართველობის წარმომადგენლობითი ორგანოს მიერ დამტკიცებული მარშრუტის დარღვევით –

გამოიწვევს დაჯარიმებას 100 ლარის ოდენობით.

**შენიშვნა:** ამ მუხლით გათვალისწინებული ჯარიმის ნებაყოფლობითი აღსრულებისათვის ამ კოდექსის 290-ე მუხლის პირველი ნაწილით განსაზღვრული ვადის გასვლის შემდეგ, ამ მუხლით გათვალისწინებული ადმინისტრაციული სამართალდარღვევისათვის პირს დაერიცხება საურავი 500 ლარის ოდენობით. საურავის დარიცხვიდან 30 დღის ვადაში ჯარიმისა და საურავის გადაუხდელობის შემთხვევაში სამართალდამრღვევის მიმართ საქართველოს კანონმდებლობით დადგენილი წესით განხორციელდება ჯარიმისა და საურავის გადახდის უზრუნველყოფის ღონისძიება.“.

2. 209<sup>3</sup> მუხლის:

ა) პირველი ნაწილი ჩამოყალიბდეს შემდეგი რედაქციით:

„1. ამ კოდექსის 55<sup>5</sup>, 55<sup>6</sup>, 77<sup>1</sup> და 77<sup>2</sup> მუხლებით, 82<sup>5</sup> მუხლით (პლასტიკის და ბიოდეგრადირებადი პარკების რეალიზაციის ნაწილში), 103-ე და 107<sup>2</sup>–107<sup>4</sup> მუხლებით, 114<sup>2</sup> მუხლის მე-6 ნაწილით, 125-ე მუხლის მე-8 და მე-12–მე-14 ნაწილებით, 125<sup>2</sup>–125<sup>4</sup> მუხლებით, 130-ე მუხლის მე-4 ნაწილის „ა“ ქვეპუნქტით, 135-ე–135<sup>5</sup> და 146<sup>1</sup> მუხლებით, 148-ე მუხლის მე-3 და მე-4 ნაწილებით, 150-ე–150<sup>3</sup> მუხლებით, 151-ე მუხლის მე-3 ნაწილით, 151<sup>1</sup>, 151<sup>2</sup> და 152<sup>3</sup>–152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებითა და 153<sup>9</sup>, 156<sup>1</sup>, 158<sup>3</sup> და 158<sup>4</sup> მუხლებით გათვალისწინებულ ადმინისტრაციულ სამართალდარღვევათა საქმეებს განიხილავს ადგილობრივი თვითმმართველობის წარმომადგენლობითი ორგანოს მიერ განსაზღვრული მერიის სტრუქტურული ერთეული ან



ადგილობრივი თვითმმართველობის წარმომადგენლობითი ორგანოს მიერ უფლებამოსილი ფიზიკური ან იურიდიული პირი.“;

ბ) მე-3 და მე-4 ნაწილები ჩამოყალიბდეს შემდეგი რედაქციით:

„3. ამ კოდექსის 55<sup>5</sup>, 55<sup>6</sup>, 77<sup>1</sup>, 77<sup>2</sup> და 103-ე მუხლებით, 130-ე მუხლის მე-4 ნაწილის „ა“ ქვეპუნქტით, 135-ე 135<sup>5</sup> მუხლებით, 148-ე მუხლის მე-3 და მე-4 ნაწილებით, 150<sup>2</sup> და 150<sup>3</sup> მუხლებით, 151-ე მუხლის მე-3 ნაწილითა და 151<sup>1</sup>, 151<sup>2</sup>, 152<sup>3</sup>-152<sup>9</sup>, 153<sup>9</sup>, 156<sup>1</sup>, 158<sup>3</sup> და 158<sup>4</sup> მუხლებით გათვალისწინებულ ადმინისტრაციულ სამართალდარღვევათა ჩადენისას ადგილობრივი თვითმმართველობის წარმომადგენლობითი ორგანოს მიერ განსაზღვრული მერიის სტრუქტურული ერთეული ან ადგილობრივი თვითმმართველობის წარმომადგენლობითი ორგანოს მიერ უფლებამოსილი ფიზიკური ან იურიდიული პირი, თუ სამართალდამრღვევის იდენტიფიცირებისათვის ან სხვა ფაქტობრივი გარემოებების დადგენისათვის ადმინისტრაციული წარმოება საჭირო არ არის, ადგილზე განიხილავს ადმინისტრაციული სამართალდარღვევის საქმეს და სამართალდამრღვევს ადგილზევე შეუფარდებს ადმინისტრაციულ სახდელს (ჯარიმას).

4. ამ კოდექსის 55<sup>5</sup>, 55<sup>6</sup>, 77<sup>1</sup>, 77<sup>2</sup>, 103-ე და 107<sup>4</sup> მუხლებით, 114<sup>2</sup> მუხლის მე-6 ნაწილით, 125-ე მუხლის მე-8 და მე-12-მე-14 ნაწილებით, 125<sup>2</sup> მუხლით, 125<sup>3</sup> მუხლის მე-4-5<sup>1</sup> ნაწილებით, 125<sup>4</sup> მუხლით, 130-ე მუხლის მე-4 ნაწილის „ა“ ქვეპუნქტით, 135-ე-135<sup>5</sup> და 146<sup>1</sup> მუხლებით, 148-ე მუხლის მე-3 და მე-4 ნაწილებით, 150<sup>2</sup> და 150<sup>3</sup> მუხლებით, 151-ე მუხლის მე-3 ნაწილით, 151<sup>1</sup>, 151<sup>2</sup> და 152<sup>3</sup>-152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებითა და 153<sup>9</sup>, 158<sup>3</sup> და 158<sup>4</sup> მუხლებით გათვალისწინებული ადმინისტრაციული სამართალდარღვევის ჩადენისათვის შეფარდებული ადმინისტრაციული სახდელის (ჯარიმის) ზემდგომ ორგანოში (თანამდებობის პირთან) გასაჩივრებისას საჩივარს იხილავს და გადაწყვეტილებას იღებს ადგილობრივი თვითმმართველობის წარმომადგენლობითი ორგანოს მიერ განსაზღვრული მერიის სტრუქტურული ერთეული ან ადგილობრივი თვითმმართველობის წარმომადგენლობითი ორგანოს მიერ უფლებამოსილი პირი.“.

3. 239-ე მუხლის 27-ე ნაწილი ჩამოყალიბდეს შემდეგი რედაქციით:

„27. ამ კოდექსის 55<sup>5</sup>, 55<sup>6</sup>, 77<sup>1</sup>, 77<sup>2</sup>, 107<sup>2</sup> და 107<sup>3</sup> მუხლებით, 125-ე მუხლის მე-8 ნაწილით, 125<sup>2</sup>-125<sup>4</sup> მუხლებით, 130-ე მუხლის მე-4 ნაწილის „ა“ ქვეპუნქტით, 135-ე-135<sup>5</sup>, 146<sup>1</sup>, 150<sup>1</sup>-150<sup>3</sup>, 151<sup>1</sup> და 152<sup>2</sup>-152<sup>9</sup> მუხლებით, 153<sup>6</sup> მუხლის პირველი, მე-3 და მე-4 ნაწილებითა და 153<sup>9</sup>, 156<sup>1</sup>, 158<sup>3</sup> და 158<sup>4</sup> მუხლებით გათვალისწინებულ ადმინისტრაციულ სამართალდარღვევათა ოქმებს ადგენს ადგილობრივი თვითმმართველობის წარმომადგენლობითი ორგანოს მიერ განსაზღვრული მერიის სტრუქტურული ერთეული ან ადგილობრივი თვითმმართველობის წარმომადგენლობითი ორგანოს მიერ უფლებამოსილი ფიზიკური ან იურიდიული პირი.“.

4. 240<sup>1</sup> მუხლის პირველი ნაწილი ჩამოყალიბდეს შემდეგი რედაქციით:

„1. ამ კოდექსის 103-ე და 107<sup>4</sup> მუხლებით, 114<sup>2</sup> მუხლის მე-6 ნაწილით, 125-ე მუხლის მე-8 და მე-12-მე-14 ნაწილებით, 125<sup>2</sup> მუხლით, 125<sup>3</sup> მუხლის მე-4-5<sup>1</sup> ნაწილებით, 125<sup>4</sup> მუხლით, 130-ე მუხლის მე-4 ნაწილის „ა“ ქვეპუნქტით, 135-ე-135<sup>5</sup> მუხლებითა და 153<sup>6</sup> მუხლის მე-2 ნაწილით გათვალისწინებულ შემთხვევებში ადმინისტრაციული სამართალდარღვევის ოქმის შინაარსს და მისი გამოწერის წესს განსაზღვრავს მუნიციპალიტეტის წარმომადგენლობითი ორგანო.“.

5. 242-ე მუხლის მე-5 ნაწილი ჩამოყალიბდეს შემდეგი რედაქციით:

„5. ამ კოდექსის 125-ე მუხლის მე-8 და მე-12-მე-14 ნაწილებით, 125<sup>2</sup> მუხლით, 130-ე მუხლის მე-4 ნაწილის „ა“ ქვეპუნქტით, 135-ე-135<sup>5</sup> მუხლებითა და 209<sup>3</sup> მუხლის მე-2 ნაწილით გათვალისწინებული ადმინისტრაციული სამართალდარღვევის ჩადენისას ჯარიმა ადგილზე არ გადაიხდევინება და სამართალდამრღვევს ადგილზევე გამოეწერება საჯარიმო ქვითარი - ადმინისტრაციული სამართალდარღვევის ოქმი, რომელიც ივსება ბურთულიანი კალმით ან/და ელექტრონული ფორმით.“.

6. 243-ე მუხლის 2<sup>1</sup> ნაწილი ჩამოყალიბდეს შემდეგი რედაქციით:



„2<sup>1</sup>. ამ კოდექსის 55<sup>5</sup>, 55<sup>6</sup>, 107<sup>2</sup> და 107<sup>3</sup> მუხლებით, 125-ე მუხლის მე-8, მე-12 და მე-13 ნაწილებითა და 135-ე–135<sup>5</sup>, 146<sup>1</sup>, 151<sup>1</sup>, 151<sup>2</sup> და 153<sup>6</sup> მუხლებით გათვალისწინებული ადმინისტრაციული სამართალდარღვევის ჩადენისათვის სამართალდამრღვევი საამისოდ უფლებამოსილმა პირმა შეიძლება მიიყვანოს პოლიციაში, თუ სამართალდამრღვევს არ აქვს პიროვნების დამადასტურებელი საბუთები და არ არიან მოწმეები, რომლებსაც შეუძლიათ მიაწოდონ საჭირო ცნობები მის შესახებ.“.

**მუხლი 2.** ეს კანონი ამოქმედდეს გამოქვეყნებიდან 45-ე დღეს.

საქართველოს პრეზიდენტი

სალომე ზურაბიშვილი

თბილისი,

26 ნოემბერი 2019 წ.

N5295-ის

